



Broj: 05/2-11/3-405/26  
Velika Kladuša, 13.03.2026. godine

Na osnovu člana 53. stav (6) Zakona o javnim nabavkama BiH („Službeni glasnik BiH”, broj: 39/14, 59/22 i 50/24) te člana 43. Statuta Općine Velika Kladuša („Službeni glasnik Općine Velika Kladuša”, broj: 12/11), u predmetu nabavke i ugradnje robe – Adresne pločice za projekat označavanja ulica, trgova, naselja i naseljenih mjesta objekata nazivima i brojevima na području općine Velika Kladuša, Općinski načelnik Općine Velika Kladuša, donosi

**ODLUKU**  
**o izmjeni tenderske dokumentacije**

1. Ovom odlukom vrši se izmjena Tenderske dokumentacije po pokrenutom postupku javne nabavke i ugradnje robe – Adresne pločice za projekat označavanja ulica, trgova, naselja i naseljenih mjesta objekata nazivima i brojevima na području općine Velika Kladuša za koji je Obavještenje objavljeno na web portalu e- nabavke dana 27.02.2026. godine pod brojem: 299-1-1-22-3-31/26 na slijedeći način:

U tenderskoj dokumentaciji na strani 6. Tenderske dokumentacije tačka 4.4.2. i na strani 28 Nacrta ugovora član 5. stav (1) mijenja se i glasi: Rok izvršenja ugovora 30 (trideset) kalendarskih dana od dana obostranog potpisivanja ugovora.

U tenderskoj dokumentaciji na strani 11. Tenderske dokumentacije tačka 6.6.2. mijenja se i glasi: Rok za dostavljanje ponuda: 09.04.2026. godine do 14:00 sati.

U tenderskoj dokumentaciji na strani 6. Tenderske dokumentacije tačka 6.7.1 mijenja se i glasi: Javno otvaranje ponuda će se održati 09.04.2026. godine u 14:15 sati, u prostorijama ugovornog organa, adresa Općina Velika Kladuša, ulica Hamdije Pozderca 3, 77230 Velika Kladuša.

U tenderskoj dokumentaciji na strani 14. Tenderske dokumentacije tačka 9.1.3. mijenja se i glasi: Preuzimanje TD sa Portala javnih nabavki ponuđači mogu izvršiti do 07.04. 2026. godine

2. Tenderska dokumentacija u ostalim dijelovima ostaje nepromjenjena.
3. Izmjena Tenderske dokumentacije navedene u ovoj Odluci biti će objavljene na web portalu e-nabavke danom donošenja Odluke, te na službenoj web stranici Općine Velika Kladuša.

**Obrazloženje**

Općina Velika Kladuša donijela je dana 26.02.2026. godine Odluku o pokretanju postupka javne nabavke i ugradnje robe – Adresne pločice za projekat označavanja ulica, trgova, naselja i naseljenih mjesta objekata nazivima i brojevima na području općine Velika Kladuša, broj: 05/2-11/3-405/26. Obavještenje o nabavci za predmetnu nabavku objavljeno je na web portalu e-nabavke dana 27.02.2026. godine pod brojem 299-1-1-22-3-31/26. Procijenjena vrijednost nabavke iznosi 85.470,00 KM bez PDV-a.

Uvidom u tendersku dokumentaciju objavljenu na Portalu javnih nabavki utvrđeno je da je u tački 4.4.2., kao i na strani 28 Nacrta ugovora, u članu 5. stav (1), kao rok isporuke i ugradnje naveden rok od 90 kalendarskih dana od dana potpisivanja ugovora.


S obzirom na to da je, po uputama predstavnika Federalne geodetske uprave, konstatovana potreba za skraćanjem roka isporuke i ugradnje predmetne nabavke zbog mogućnosti povlačenja dodatnih sredstava koja su uslovljena izvršenjem obaveza preuzetih ugovorom, izvršena je odgovarajuća izmjena tenderske dokumentacije.

Usljedi izmjene roka isporuke i ugradnje, naznačene u Aneksu 3 tenderske dokumentacije, izvršena je i izmjena datuma za preuzimanje tenderske dokumentacije sa Portala javnih nabavki, kao i datuma za dostavljanje ponuda.


Članom 53. stav (6) Zakona o javnim nabavkama propisano je: „Ugovorni organ može napraviti izmjene i dopune tenderske dokumentacije pod uslovom da se one dostave zainteresovanim kandidatima/ponuđačima istog dana, a najkasnije pet dana prije isteka utvrđenog roka za prijem zahtjeva za učešće ili ponuda. U slučaju da takve izmjene podrazumijevaju suštinsku promjenu predmeta nabavke, ugovorni organ će produžiti rok za prijem zahtjeva za učešće ili ponuda u zavisnosti od složenosti predmeta nabavke. Rok za produženje ne može biti kraći od sedam dana.“ Cijeneći sve naprijed navedeno, poštujući odredbe Zakona o javnim nabavkama odlučeno je kao u dispozitivu Odluke.

UPUTA O PRAVNOM LIJEKU: Svaki ponuđač koji ima legitiman interes za konkretan Ugovor o javnoj nabavci ima pravo uložiti žalbu u roku od 10 (deset) dana od dana objave izmjene i/ili dopune tenderske dokumentacije u odnosu na sadržaj izmjene/dopune tenderske dokumentacije. Žalba se podnosi Ugovornom organu, kao prvostepenoj instanci u žalbenom postupku, u tri primjerka direktnom predajom kod Ugovornog organa ili preporučenom poštanskom pošiljkom

Obrađivač:

  
Aida Čerimagić

Kontrolisao:  
Pomoćnik Općinskog načelnika za finansije,  
računovodstvo i javne nabavke

  
Sebila Đerović-Melkić



Dostavljeno:

1. Web portal e - nabavki
2. U spis
3. a/a